

Il bel mument sch'ins vesa che la lavur ha valì la paina

DA FLAVIA HOBI

Jau chant en in chor e mintga mardi avain nus duas uras prova. Jau vom vairamain fitg gugent, betg mo pervia dal chant, mabain jau ma legrel er adina sin la flotta glied. Però i dat era provas nua ch'ins exercitescha prest duas uras vi d'ina chanzun, uschè ch'ins ha insacu vairamain udì ella. Gea, fin ch'ins ha ensemen in entir concert dovri sias uras. Recumpensà vegn quai al concert e tuttenina èn ins losch da quai ch'ins ha cuntanschì. E sche quai era in viadi ch'ins ha fatg ensemen, sco gruppa, lura è quai anc pli bel. Anc meglier vegni schi'ins senta lura sper l'agen plaschair quest dal public. Gea, il pli tard lura san ins esser segir che la lavur ha valì la paina ed ins po strusch spetgar dad emprender novas chanzuns.

La blera lavur ha era cunvegni per l'Uniun da giuventetgna

da Sagogn ch'ha organisà la Bravo-Hits-Party. Renumerads èn els vegnids cun il success da la party ed ins po sperar cun plaschair ch'ina va betg ditg fin che la proxima festa ha lieu. Spezialmain plaschair fa era che nus dastgain preschentar en questa ediziun da las «vuschs giuvnas» duas poesias sur-silvanas – poesias bellas ch'animeschan da patratgar.

Animar vulain nus er anc auters giuvens e giuvnas da scriver per nossa pagina «vuschs giuvnas». I n'importa betg tge moda da text – reportaschas, intervistas, columnas, istorgias, poesias – nus ans legrain da mintga contribuziun. Independent en tge idiom u da tge lunghezza pon ins trametter questa a l'adressa suandanta: flavia.hobi@bluewin.ch. El num da l'entira GiuRu engraziell fitg, giavischel bler plaschair cun nossa pagina e sper che la lavur haja valì la paina!